



Komunikadu Imprensa

05 Dezembru 2012

Arguidu ba kazu danu ho violensia kontra Estadu hetan kondenasau tinan 6 prizaun no selu indeminizasaun sivil US\$ 4376,83 ba Estadu

Iha 04 Dezembru 2012 Tribunál Distritál Baucau hala'o julgamentu leitura akordaun ba kazu krime danu ho violénsia ne'ebé involve arguidu Paulino Cabral hasoru Estadu (PDHJ) no vítima Filomeno Paul Fatima Martins. Kazu ne'e akontese iha 17 Abril 2012 iha Suco Macadique, Sub-distritu Uatulari Distritu Viqueque no rejista iha tribunál ho Número Prosesu: 120/Crm.C/2012/TDB.

JSMP hanoin katak pena ne'e aproriadu tanba mesmu estadu rekoñese no fo fatin ba ema hotu ezerse sira nia direitu atu apresenta nia objesaun ka kontestamentu relasiona ho asuntu partikular ruma mais la'os ho forma violénsia, dehan Diretór Eksekitivu JSMP, Luis de Oliveira Sampaio.

Ministériu Públiku akuza arguidu nu'udar autor matérial ba kazu krime danu ho violénsia ne'ebé preve iha artigu 260 Kódigu Penál ho pena prisaun tinan 4 to'o tina 12.

Tribunal prova katak iha 17 Abril 2012 arguidu ho grupo ida hapara tiha kareta PDHJ ne'ebé halo observasaun ba prosesu elisaun nian, no arguidu akuza vítima Filomeno Paul Fatima Martins no testemuña Sonia Fernandes katak sira hanesan ofisial CNE nian mak sura rezultadu elisaun lalos tanba ne'e mak sira nia partidu lakon iha elisaun ne'e.

Tribunál mos prova katak arguidu ho katana taa rahun tiha vidru odamatan husi parte xofer ninian no hodi fatuk tuda rahun vidru odamatan parte sorin karuk no kontinua hodi aú baku rahun vidru kareta oin.

Arguidu nia hahalok ne'e hamosu prejuizu ba Estadu RDTL ho valor matérial hamutuk US\$. 4. 376, 83 no kauza vítima kanek iha parte tilun.

Depoide tribunál halo avaliasaun ba faktus no sirkunstansia sira ne'ebé asociadu ho kazu ne'e, tribunál konklui hodi kondena arguidu ho pena prizaun tinan 6 no selu indeminizasaun sivil ba Estadu hamutuk US\$. 4.376,83.

Audiénsia julgamentu lee leitura akordaun ne'e prejjide husi juiz singular Dr. Antonio Fonseca Monteiro, Ministériu Públiku representa husi Dr. Pascasio de Rosa Alves no arguidu hetan defeza husi Dr. Gil Amaral husi advogadu estagiáriu.

Atu hetan informasaun kle'an, favor kontaktu:

Luis de Oliveira Sampaio

Diretór Ezekutivu JSMP

Email: luis@jsmp.minihub.org

Landline: +670 3323883 ka +670 7295795